



ANDURAS  
GABAMINT KA



KUL APIS KA, GABAMINT BĪLARA

# WAN LŪKANKA WAN NATKA



A B D G H I K L M N P R S T U W Y N G

A Â A Â I Î I I U Ū U Ū

## Kuka an Suklin wal

Piyua kum kan kuka kum tawan laihra kum ra, bara lî panhkaia wan kan, bara bukit ka lî unta ra dimi wan, bara sari taki kan taim suklun kum lui makabi walan kukia ra. Kukia dia mita sarisma kia, kukia mita win, bukitki lî unta ra dimi wan bara baha mita sari takisna. Bara suklun ka lî yawi lan kan ba mita, saki maikrika taim pamblulkam klaya ra ai brih yapaihma ki, makabi walan, bara wal âu takan taim, suklinka kata ba lî

untikara dimam bara saki yaban, bara ai watla ra suklunka ra brihwan bara plun dakakan, suklun ka yapi bara yû wala takan taim kukia mita an suklunka mita tingki ka yabi wan.



### Yakang daukaia tâs ka nani.

Naha kisi ka, aisi kaik ma wina, Sins lâka kum uls.

## Dus Mâ Nani Kingka Aslika

Yu kum kan dus mâ laya laiki panku kum kauhan kan witin kata dus mâ nani kingka mapara diara pain kum takan, pâna kum wal prawan bara diara aihkakra kum plikan kaikras dukia kum bara dus mâ nani kingka kata wahbi brih ai watlana wan.

Bara brih wark tara kum takan witin wal pain paskaia dukiara klin sut saki, nina kum mangkan naha nina ba dusma mâ nani “Kingka”. Pyua kum luan ninkara king dusa sut aikuki asla takan rits kum daukaia dukiara aisi kaikan naha pulanka nina makaia “Dus nani kingka aslika”



### Yakang daukaia tâs ka nani.

Naha kisi ka, aisi kaik ma wina, Sins lâka kum uls.

## Sinsirulo

Tawan kumra waikna kum nina Sinsirulo makikan upla saura kan, Tuktan ra wipikan, latar tinhbikan, sakuna yû kum diara kum din bara yapi takaskan kan. Krikri wina buan bara ai dahra walan witin ba waikna kum saura kaikisi , upla pain takaia lukan, naha ra pat pain takaia apia sa.

Baha ninkara aiwawanra taki pulisa, lip nusa tadi takaia an wark nani daukaia baha mita nina makan Sinsirulo



### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.




## Miskut turka

Mani ailal pali kan ninara, plis laih pali wina upla daknika kum aula kan witin nani ba anduras yahbra tâni ra wapikan il nani bilkak awala tara tara nani bilak, suamp tara nani tila wina waikna karhnira aiklaklabra kum tâ brikan witin nina ba “Miskut” mâkikan, war ailal aiklaban, muskitia tasbaika ra saukbi saki, sihkru dî, lilia taki.

Witin ba king âdarka ra kan, king nakra, mihta, sinska brihkan, an lukanka brikan, baha mita king mita adar kum yaban kaka witin ba

daukikan, indian nani kiamka nani mita king ra ilp makaban kaka, miskut nina ba pas makikan.



### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.



### **Kûku Luhpia kisika**

Yû kum kan, tawan laihura kum ra mairin kum, witin sip luhpa baikraskan, pyu banira pât takikan luhpa kumi baikaia sika nani mani dihkan, bara dawan ra sin tukta kumi yabia wusi makabi kan, kuku dûsa ailal brihkan, sa kuna witin ba ûba min kan, yû kumi kan ai dahra walan bara witin kwihra kan bara ûba lilia pali taki tukta ba baikaia pyua ba aiwakan.


Pyua balan bara mairin ba tukta ba sakan lilia kira pali yapti ba ailuhpiara watawikaikan bara pain kaikan taim kuku mâ kum baikankan. Yawan ba min lâka ba kul bîla ra uba saura sa, pana pana kaia sa.



### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.

### **Brum aihkakira kum**



Yû kum kan, Kul watla kum kan, baha kul ka watlika bara brum sinskira kum barakan yul kakirhbra kum wal prawaia laik pali kan, bara yû kum kan taki kabu unra wapan bara sanil lait kum sari pali hauya un bak taukikan wal prawan bara plapi taki kabu sait ra wan.

Bara yula an brumka kata ba wal sari taki kulra imhpakan. Baha sim ditra baki pain kira kumra wih prawan, brumka kata ba pain nû takan taim ai pani ka ba yabal saura kum ra brihauia kan, bara kul dimi layar tara kum taki ai pamalika ra ilp muni sakan.



### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.

## Lukluk an wabul wal

Yû kum kan tawan kum ra tubâ wal kan bara ai pana pain kan, witin nani ba kabu un ra îwi mauhi kan, bara kum ba nina wabul kan wala ba nina lukluk makan kan, tawan wala wina upla kum balan kan, tubika kum ba ra nina makabi walan, kum ba mita ai nina win, bara uplika kata ba mita –dia dauk ninam ba baku mai mankan- uplika ba makabi walan bara tubika ba mita naku win- yang ba ahuia ra iwi wabul disna pauhsakn wahya distika muhntara, bara painika na ba lukluk dîhmauihna bara bahamita yang nani ra ba baku nini ai mankimauhan. Bara yang nani ba wabul an lukluk mauhisna, baha mita tâla karhna an wini karna mauhisna, bara kul ra kasak pain smalkanka îwi walisna an tadi pain takisna.



### Yakang daukaia tâs ka nani.

Naha kisi ka, aisi kaik ma wina, Sins lâka kum uls.

## Âras ai pana aikuki

Yua kumira aras kum sinskira pali kum bar kan, imhpikian, unsaban, ruk turka nani kumi sin âpu kan, wauhtaya aisikaikaia sin laik kan yua banira, bara rukkira kum wal pana takan, sakuna rukkirka ba tilba kum kan, bara baha ba pana wala kum brikan baha ba bip kum kan, bara âraska kata kul dimaia an aiwawanra takaia lukanka brihka.

Pani ka kum ba mita naku win araska kata rapainika kaisa rais nasla kum bara dimi rais ka ba tak piaia- bara araska kata ba mita âu win, bara

dimi pih ai briara banhki takan, bara witin nani kata ba nasla ba kat yapih takaskan, titan buan taim ai panika yumhpa sut ra, nasla dawanka mita dus kum plauia ra wilki brih takaski.

Bara dawanka mita naku makabi walan- manani ba wina ya ba tâ brihsa- walan taim kau ruk ka ba mita naku win-painika Âras ba tâ brihsa. Win taim, dawanka mita war karhna dinkan taksut ra, tawan yamhpi war ka nani kata ba witin nani ra yaban, bara tawan bilara lâ

kum kan an naku ulbankan: Ya kum upla wala pinska bîla ra implikuya, unsabuia, kunin aisuia kaka, tawan tak warka daukia sa.

Bara baku Âras sinskira kata ba, ai pani ka nani wal pat diman.



### Yakang daukaia tâs ka nani.

Naha kisi ka, aisi kaik ma wina, Sins lâka kum uls.

## Diwindi

Diwindi ba upla wal talia pali sa, prahnika ba silpi sa, an sumuro tara kum dimisa sakbat tara an kalat pupuhni yus munisa an diwindi ba tasba muntara iwi sa.

Sam taim il nani purara an walpa tara nani ra iwisa wiwi an papu wapi pliska nani ba ra ai yabalka brisa diwindi ba upla kum ra laik kaikuya kaka wan brih plapisa. Diwindi ba kiahki daiura dawanka kum sa. Diwindi ba sula kum kum nani dawanka, bip nani imhpliki wail dauki aikuki brih iwisa.

Bara yû kum kan tukta mairin kum tawan laihra

kum ra, tuktikaba wina pain kan siknias takras, bara pyu kun balan siknjs taki kan, blâ alki, rih dauki. Bara pamali ka nani taksup yapaia wihmauhan. Timhia lait kan bara duktika yaptika bui ai luhpia pura prakaa wan taim tuktika mairin apu kan, pamali ka taksut taki unta tila ra dimi pliki wan taim, tuktika mairin kiaya tilara yapî kan, pamalika mita pukni dinki sakan.



### Yakang daukaia tâs ka nani.

Naha kisi ka, aisi kaik ma wina, Sins lâka kum uls.

## Limi tibamh wal

Yû kum kan unta kum ra lîmi ai pamali watla ra auya kan, bara yabal ra tibamh kum wal prawan, wal baha minitka wal aisi naku win:

“Tahti lîmi diara kum brisna bara tâs saki pibia kaka, tahti limi mita âu win taim, tibamhka mita raipisa ailal brisna.

Tahti ba tibamh nina blikanm tibamhka kata ba plapan raipisa tara kum mahta bara tahti ra yaban pin an laik takan, sa kuna tak ba kunin aisan kan tibamh ka mita, raipiska ba tibamh dukia apia kan, king kum dukia kan, bara king ka kata nû takan taim uba kupia aisawan bara king ka kata tibamh ra makabi walan taim, tahti lîmi imhplikan win, bara watan tak mita taya baikan tahti lîmira.



### Yakang daukaia tâs ka nani.

Naha kisi ka, aisi kaik ma wina, Sins lâka kum uls.

## King Waikna turika

King waikna kum kan, ultla tara kum brikan upla turka walikan bara upla satka nani tara dimi takiwikan, ba kaiki kan waikna ra lilia lâka kum daukaya waikna ai watla tara bara timhia bîla kum maisa pakanka kum lakan ai uplika nani sat ka ailal kan, plun satka tak, pira wihta ailal, king waikna lilika ra barkan bara wapi wan taim ba, ai yabalka ra upla kum wal gins takan, bara wal pana pana patin makaban, ai latuanka madiki wal pana takan, bara yu kum , kung waikna sin panika wal sin capi diaya wal wapan. ¿Man pana kum bin mai daukisa kaka? Saura munaia apiasma.



### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.

## Lî ra abakuan turka

Mundi tîtan kum kan kusua kati yû pas, mani 2019, (wakauhka wal pura matawalsip pura matlalkahbi pura yumhpa kan). Tîtan bui wahma kum nina ba lika Jason Cordova kau usus ai sukuri kaikaya waras kan wina bui busu nani, kiaytin wal mub munan baha lika but “Miss Francelly ra naha buyt ka na an ai uplika nani aikuk pyu bani brinka plikaya imhpakan, lilikira nani auya kan, ai tanka brihras kan trabil ai kainara bîla kaikikan ba, but ba runwaikan minit kara, taksut suakwi taki bauhwi kata tak balan kuna, bara dawan ra ai lukanka brikan ba mita taksut saukan ai tanka briras kan sim minitkara but wala kiap “Wally”



ba sin runhwikan ai uplika nani aikuki, busu ka wina, kiaptinka wal aisolka baha kat siwaikan ba un apiasi imhpakan, wan pamalika nanira sari lâka an kual a siksa wan miskitka nani nanira dimaikan ba sin nûapiakan ba mita karhna kan kuna luhpia nani, yapti an maya nani brihbauhi apia kan, kasbrika, shlilma nani an dawan witniswa saukaya lukan kuna awar baku kulkanka kan, manani ban rayasma bara auyam tikpara aniwina dawan mai suakbi sakan ba, naiwa wan smalkanka kum wankisa auya kan uplika nani ra, nahki latuan lâka ba yabi waya sa, an gat latuanka tarkika.



### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.

## TMINSI BARA YURDI WAL TURKA

Itminsi ba Yurdi wal ai pânika pali kan, witin nani kul dimaia laik kan, kuna itminsi ai natka kum bri kan ba lika, dusma nani sut alkuia ba maka ai bilara ra brih wi kan. Baha dukiara Yurdi kasak smalki kan itminsi ra. Witin bui itminsi ra naku wi kan: ITMINSI man luki bas wan maistruka wan smalki kata ba, dus ma piaia piua ra wan mista ba sikbaia bara dusa ma ba sim sikabaia wisi wan smali kata.

Sakuna itminsi ba baha turka ba kulkras witin ban dusma nani ba pikan sikbras kira an ai mista nani ba sim sikbras. sakuna witin lika dusa ma nani ba dabi taim ai asmala nani alsut ai bilara manki dusa m aba wal prak utbi ka sim aihwa sukaplun kan baku.

Piua kum kan ITMINSI kata ban tauki kata wina witin wina sanwii, uba wapuia taim bahkia man, nakra ma kata ba ahwii, kuhma klahkla nani kata ba dusa man takuia, kuna biara kata lika upla kuihra biara baku takan, bara witin kulra sim sip waras muni kan latara sim sipa i panika nani aikuki pulanka nani sim sip daukras kan. panika YURDI lika watra ra wih makabi wali kan dia taka ITMINSI ba kul uba dakbi sa sapan. Bara itmisni ba YURDI ra ai tanka win. Bara YURDI ba un takan ITMISI ba kasak sikniskan ba.

Bara YURDI buan ITMINSI ba klinik ra bri waia wisi, bara itminsi kata klinik ra brisi talia, iskika, kanka, nani ba piaki kaikan bara daktar ba un takan ITMINSI lika biara ba liwa mita pura luan sa win.

Bara daktar ba ITMISI ra lawi daukan an smalkan kl idus ma sikbras pibiara kan dusma nani ba sikbras kabia kaka baha wina liwa nani upla biara ra lui sa.

Baha un takan wina ITMINSI ai ma kumsin dusma sikbras piras kan an ai pani nani ra sim kupia krauki witin ra takan ba dukiara. Baka ITMINSI ba rawata.



### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.



## Brit Laik Kira Turka

Piu kum kan,tawan tara kum kan bara mairin lalahkira kum kan witin ba utla tara kum bri kan bah ara brit satka nani anki kan,brit damni,brit damni apia,kuku britka,brit sihs mankan nani sim anki kan.

Bara baha watla wina tawan aiska wina nani sim witin wina brit ba atki kan.

Uba wark tara dauki kan taka mihta witin nitka bri kan upla kum witin ra ilp munbia wark ba daukia.

Bara tawan bila wina wahma sirpi kum brih wal wark ba dauki kan.

Tuktika ba lika witin li panhkaia,pauta baikaia,kuku swakaia,kamasiri ra upla auia kaka baha r adiarra atka waia ban sat wark ka dauki kan,bara witin almuka sim kasak latuan kan,kan witin sika tukta kum aisikas kan yaptika ba umpira pali kan bamna.

Piu kum kan bara tuktika almuka mairin ba aidahra waln bara kaikan taim brit ba tiwikan,kuna witin ai kupiara lukan ba lika matis nani ba implilki kan.

Sakuna piua wala nani kaikan ba lika brit nani ba kau ailal tiwi kan,bara tukta bara makabi walan witin diara taki ba kaikras kan sapan,bara tukta ba bila apia kaikras pali sa win.

Bara mairin ba kasak ailal krikan.

Piu kum kan kaikan uba brit ba ailal tiwi kan bara ai kupia ra lukan ya matis ka impliki sa kaka kaikaia,bara tutni kum kan brit nani kata biara bila ra puisin indiksan ra manki saban kata.

Kau sik iwan bara tuba kata ai natka baku bukit ba brin bara tawa wihki brit panka ba bukutbi brit ma walhwal saki brihki maka liunhta pura ra wih witin maka pin brit ka nani ba.

Aiska pisi si, ai laia panhki bara kahmi pain kum disi si bara mahka utlara uli wan kata.

Baha ninkara witin mahka krikri ra uli maka yapan.

Tihmia bakrik kan bara tuktika kata ai bila tara wal kisbi kan ai bila aisi kan,aaaaih;;;aaaih;;;prunaaaa;;;prunaaa;;;Biairaaa,biairaaa.

Bara almuka mairin plapi bal makabi walan dia daukisa sapan,kuna witin lika turi wala aisaras,prunaa,prunaa baman aisi kisbi kan.

Las kat witin aisan brit walhwal impliki liunta purara brisi pin kan.

Bara almuka kata plapi wihnkaikan taim baha brit kaba puisin mankan nani kan ba wina saki brisi pin kan.

Witin ba kaikan bara witin isti pali lat, laimus nani alki plapi balan taim tukta ba pat piritka takiwan kata.



## Yaptika Latuankira

Tukta kum kan witin ai yaptika walman iwi kan twan sirpi painkira kum ra, sakuna tuktika bara yaptika ba uba witin ra latuan kan tanka ba bui witin diara sut dauki kan ba yaptika mapara sut ba painkira baman kulki kan.

Yua kum kan tuktika ba kalila mahbra kum upla wala latka wina alki bri balan bara ai yaptikara win, mama kalilki mahbra na wira piaki aik, bara yaptika ba liliakira witin ra piaki yaban, yu wala kan bara tuktika kata tau tara taki kan bara upla kalilka waihka kum alki bribal bara ai yaptikara win, mama kaklilki tara na wira piaki pililka dauki kuku manki aik win bara yaptika kata Lilia kira piaki yan, witin dia makaban ba kat.

Piu wala kan bara witin upla kuirku ka tara kum impliki bri balan bara yaptika diara wiras kan bara witin kuirku ka taia wisbi ap sal daukan, takika ai yaptika wal sal dauki pain.

Baku baman witin wahma takan kan kuna diara Saura nani dauki kan ba witin yaptika ba turi kum sim smalkras kata, sut ba pain dauki sa baku luki kan.

Yu kum kan wahmika kata upla kum lalah tara kum bri imhpaki kan bara witin lalahka ka bi briaia wisi kainara aimaki lalah tawan dus wal pruki iki lalah kata brihki plapan, kuna upla kum kaiki kan witin baha dukia Saura dauki kan piua ra. Bara uplika kata bui wihta nani ra maisa pakan, bara baha awarka wina wahmikra mahka ikaia bliki kan alki silak ra mankaia, apia kaka ikaia sim luki kan. Wahmika ba baha lukan taim witin kupiara uba sari tara diman kan. Witin ai kupiara naku lukan kan, yan sirpi lupia wina Saura daukri ba yan yaptiki Saura dauki sna ba aiwin kaka naiwa naha patka na dimaiapia kapri, kuna witin aiwiras kan na taka naiwa wahma aiska nini bliki sa ai ikaia dukiara, baku sa kaka yan wamna bara kau aikras bara yan mamiki ba pas ikamna. Bara wahmika kata ba ai watlra plapi wan bara ai yaptika ra win mama kaisa yawan wal wapanka kum daukaia, bara kukia kata lika witin ai luhpia dia wiba sut dauki kan nara bui wal wan.

Wal ban wan bara wahmika kata bui ai mamikara makaban, mama naha dus lupia kum wahrwi pawina wira wapni dauks, bara kukia prak alkan bara wapni pali sim daka wapnika baku daukan, ban wan bara dus kau tik tara kum madiki sim sat makaban, bara yaptika wiria taim tiwan kuna wapni daukan, kuna ban wan bara wahmika ba mita ai mamikara dus kau tara kum madiki win, mama naha dusa tara nawi pawan na wira wapni dauks, kuna kukia bui ai luhpia ra naku win, luhpi nahki yan naha dus warhwan na yan wapni daukamna? kuna wahmika mita karna munan wapni daukia wisi.

Kuna kukia sip wapni daukras kan, bara witin mita ai luhpira makabi walan dia tanka baku witin ra muni sa sapan, bara wahmika mita win, mama dusa sirpi warhwan kan

wapni daukatma ba baha sim baku kapri yan sim,ya lalila mahbra kum impliki brih wari kata tiam yan ra lawi ai dauki aikrika upla dukia ba brih wari kaka yan un takaia kapri upla dukia ba yan alkaia api aba un takaia kapri,kuna man daukras kapram,

Yan baku diara Saura wala nani dauki kapri taim man aiwiras kapram,baha mita naiwa yan upla nini blikisa upla taihkia ikri taka,kuna ba sut b aman pain turi ai smalki ai pakras kapram ba taka.

Bara yaptika ba walan bara ai kupia kraukan bara luki kaikan bara aidahra walan bara uba tutni kan,sakuna witin ai luhpia ra patin tara makaban ai saurka ba swih tikbia dukiara,sakuna luhpia ba baha walras kan bara witin mawan kata i lal ra bulit kum saban.



**Yakang daukaia tâs ka nani.**

Naha kisi ka, aisi kaik ma wina, Sins lâka kum uls.

## Inska Mamiskra Waikna

Wikna kum kan, witin ba plis painkira kum ra aiwi kan  
witin ai maia, ai luhpia waikna bamna witin yul kum bri  
kan yula ba nakra sim kum baiwan kan.

Waiknika ba inska mamiskra kum kan.

Inska miskaia ba witin tihmia kau kan taki wi kan tigni ra  
wi kan, piuwa kum kum lika awala ra wi kan, ba apia taim  
lika kabu ra sim taki wi kan.

Witin inska satka sut alki kan, inska sirpi, inska tara, inska  
pauni, inska pihni, kabu inskika, lakun naskaia, tigni  
naskaia, tuba, krahna, blibli, tukbrin, bachi, masmassahsin, kalwa, mupi, tunki, pispisia, ka  
wataka, sikuku, lah, kuha, drumar, rukruk, krahwi, lasisi inska satka wala nani sim witin alki  
kan.

Baku alkuia ninkara witin utla ra wih bara ainaslaia nani ba painkira lkin dauki witn ai watla  
lahma wira swisisi ninkara mahka tawan ra taki wi kan upla wala nani ra atkaia dukiara.

Upla naniba lika ridi pali tawan bara ai durka bukutbi witin bila kaiki kan.

Bara waitna ba auya kan bara witin ai pura wini kan, INSKAAAA, INSKAAAA, INSKAAA.  
Bara upla nani ba Lilia kira pali witin wita inska ba ati bara witin ai Lilia pali kan.

Yua kum kan bara waitna ba titan lakiaia ba kau klahui kan bara witin mahka bui a yula lupia  
buki witin ba ai yula kahbaikakan bamna, bara witin kapi lupia wira piaki dih muni ai yabalka  
pata wira rais piakan kan ba wina wira brih ai yula nakra baiura kata bara wira dakaki muni bara  
witin ai kiuhl ka ridi dauki, ai dakika sim ridi dauki, ai isparka sim alkan, bara kuahi, duri pahbaika  
plastik ka sim alkan, li diaia laya batilka sim brin bara ai yula wal mahka taki wan kata kli yu  
kum ai warka pali ba kau aima kum daukaia.

Witin mahka li biara bara kaubi taki wan bara mahka ai lip-lip ka lulki aubii auia kan bara ai  
dahra wali kan tain diara kum srimh, munan taima ai kuiara dawan tinki pali, titan kan pat  
mistira diara pain mankuma ba dukiara. ba lukisi wilwi tris twi auban kuna inska apia pali  
kan. baihka ban dus yuya kum kan bara kanban kan. Sakuna witin ba lukras kau karna kaubi  
tauki kan, bara na taim lika witin ra inska kum alkan ba lika ai dahra wali kan sim pali bip  
kraskira pawu ka baku witin ra aubi kan, bara witin wilwi tris tawi ai kiuhl ka bara prak alkan  
yaba wal kir, wal kir, kan lika slakbras wal alkan ba alkan kaiki bri kan bara inska kata ba pasa  
ra pali li munhta bak dimii si taki kan damia lika alkan ba alkan kan witin ai kupiara luki kan  
ba lika minit kum sim swiyapia bara baku luki witin alkan ba alkan kata. titan lapta tar baiwan  
wina wal alkan yaba lapta

ba yu blik dimaui kan sim bisuira baku wal alki kan. inskika ba uba tara kan bamna witin kiuhl  
ka taka ba ai duarka minhtat ka bara wilki swisisi mahka yapan uba swapan kan bamna.

Witin ypanka kum yapisi kupia krawan bara ai dahra walan taim kasak aidahra walras kan ani  
kat bih rasakn kan sapan.





Bara witin bui muni ai kaina ba pain laki kaikan bara witin ai dahra walras kata, bara kli karnika raia brin bara ai yabalka pata drap kum pisisi ai yula lampis ra wira kum dakaki muni kli ai kiuhl ka kata lanhki muni kli aubi sunaia trai munata.

Sakuna naskaia ba kasak pali karna

tualbi kata li munhta bara kuna witin wal alkan, wal alkan, wik kum praiska alkan kata, las kata i dahra waln bara lampis ba waki, waki kan bara aman kaikan bara upla wala nani kum duri wala ra aula kan bara ai karma karna ni kisbi, wini ilp makabata.

Bara upla nani bal makabi walan witin ba dia pat ka brisa sapan bara witin bui tanka wani win bara uplika nani ba bakahnu witin

ra ilp muni inskika tara ba aubi sunaia dukiara.

Bara aikuki bakahnu aubi sunan taim inskika ba wan mista bila kum pitka tarkika kan, bara uplika nani ai kupia turbi aisi kaikan pana, pana wisi, nahki kan naku pitka inskika sirpi kum mista naha waikna mamiskra kum n ara baku taimka tiki naha kauhkira lalma wina naha butka karma pali na kat brih balan ki?

Bara mamiskra bui ai panika nani bara tinki ka saki si witin mahka kauhkira mahta kauban. witin ai watla kat wihki ai maritkara dia takan ba sut maisa pakan.

Baha ninkara witin inska lupia kata ba klin munaia wisi alki biara baikan bara kaikan taim biara bila bara walpa siksa raun lupia kum kan bara witin aikupia ra aihka luki muni kual a pihni kum bilara manki sa bara uba swapan kan bara mahka yapan.

Witin yapan bara yapri sauhkan ra mairin kum balan bara witin ra win.

Man baha walpa sirpi sakram tanka b aman sika li uplika bui man ba wahbi mai sakan sa mana n piuwa man inska want sma kaka ani laia un ra wama kra sim man wihki muni makabaia baman bara inska nani ba sim man bilam walan kabia.

Baha yua wina mamikra waikna ba inska wan lukuia piua ra li unra wihki muni arait inska nani? mamhta balri wisuia awarka

lika inska satka ra duarka bilara aimaki kan.

Bara witin lika isti pali tawan ra brisi inska ba atkan wan taima i lalahka dauki ai nitka nani ba bri kan.

Sakuna sim baha yua wina witin diara trinsar kum daukan ba lika, witin upla almuk lupia, rau nani, piarka nani, upla siknis kira, napakan nani baralika inska ba prisant yabi kan.

Bara baha tawanka uplika nani ba kasak pali waitna mamiskra bara latuan an rispik sim muni kata.

Witin mani ailal pali ai maia, ai luhpia nai aikuki iwi si pruan.

### **Yakang daukaia tās ka nani.**

Naha kisi ka, aisi kaik ma wina, Sins lâka kum uls.



## Tukta Plun Tuman



Yu kum tawan silpi kumra tuktawaikna kum plun tumikan, yua banirayaptika plun yabuya taim tumi kan.

Bara yu kum sin sat yaptika pata yaban taim kaiki naku win, yang pimnapia uba wiria, wisi bara lata ra taki unuh kum bilara aimaki japan.

Bara yaptika sin ai dahra walras kan, tihmia let kan bara kisi tara kum dus nani kriki, kriki taki balan, bara unuh bilara tukta kum yapikan, unuh kata wal prak buki brihwan. Bawina tuktika kataba ai dahra walan taim kisi kum brih auya kan.

Bara ai dahra wali muni dus purara uli wan, kisika kata laiuhra wina aisi auya bus, bus, plun brih auna win bara ai watla kat bisi ikan, taim aihka bilaman kan, bara kli tawi balan kuna, tuktika kataba suakwi takan; baha wina witin kli plun tumras kan.




### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.

## DIKUA AIKANKIRA KUM

Tawan laiuhra pamali kum bara kan umpira pali kan, bara yu kum ai maia mairin ra mai yang inska pan kum miskaya auna wisisi mahka tingni silpi kumra wan.

Bara inskika miski kan taim; inska kumi sin ikras kan, bara witin uba sari takan, bara ai pura suniki kli, ai kiulhka ba kli lulkan kuna bara inska wisi auban taim dikua lakni painkira kum bal takan, bara siran iwan, bara dikuika mihta naku win, sibripara yang manra tambaikaisna, kuna naku aisi daukaya, dikualpia, dikualpia man karhnikam ba ai mariks.



Bara waiknika kata ba, maka daukan bara plun satkara bani takan, ai watlara brisi ai maia wal piaki pi kan, yua bani dauki kan. Kuna yu kum maia mairin lukisi aimaia ninara wan nutakaia aimaia ba ani wina plun sakisa wisi, bara aimaia ai dukia yukukanka nani ba un takaia, kuna aimaia mahka balan taim maia mairin kataba dikua saki sim sat daukan kuna sippata takras kan; baha wina ai umpirka tilara ban pruan.



### **Yakang daukaia tâs ka nani.**

Naha kisi ka, aisi kaik ma wina, Sins lâka kum uls.